

ბიზნეს-ინჟინერინგი ტურიზმში

მსოფლიო ტურიზმის განვითარების განცხადება

ნანი მამფორია, ასოც. პროფესორი
ნინო ლუთაძე, დოქტორანტი

რეზიუმე

მეოცე საუკუნის ბოლოს, სისტემაში – „საზოგადოება-ბუნებრივი გარემო“, მოხდა გარდატეხა და ბუნებათმოსარგებლეთა ორიენტაცია შეცვალა საქმიანობის ისეთმა სფერომ, რომელიც არ უკავშირდება ბუნებრივი რესურსების მოპოვებას და გადამუშავებას. ერთ-ერთ ასეთ სფეროს წარმოადგენს ტურიზმი. ამ საქმიანობის განხორციელება ნიშნავს, რომ ბუნებრივი გარემოს გამოყენების სტრატეგია ეფუძნება ბუნებისა და საზოგადოების მონესრიგებულ ურთიერთობებს და ლანდშაფტზე ნებისმიერი მიზანმიმართული ზემოქმედების შედეგების პროგნოზირებას.

საკვანძო სიტყვები: ტურიზმი, საერთაშორისო ტურიზმი, დღევანდელი მსოფლიო, ორგანიზაცია, ეკონომიკური განვითარება, პროცენტული მაჩვენებელი.

Summary

At the end of the twentieth century, society and natural environment „system“ was a turning point and the orientation of human activities in such areas, which is not related to natural resource extraction and processing. One of the areas of tourism. These activities mean that the strategy is based on the nature and use of the natural environment and landscape of relationships regulated by any meaningful impact prediction.

Keywords: tourism, international tourism, today's world, organization, economic development, the percentage.

* * * * *

ტურისტული საქმიანობის განვითარება ნიშნავს, რომ თანამედროვე პირობებში საზოგადოების ცხოვრების რიტმის ზრდამ აქტუალური გახადა ჯანმრთელობისა და შრომისუნარიანობის პრობლემის მხარდაჭერა. მოცემული პრობლემა თავს იჩენს ყველგან და მისი გადაჭრა დამოკიდებულია მრავალრიცხოვან ფაქტორებზე, რომლებიც ზემოქმედებენ განსხვავებული საზოგადოებრივი სტრუქტურის რეგულირების მექანიზმზე.

ტურიზმი წარმოადგენს ეკონომიკის ერთ-ერთ

საინტერესო და დინამიურად განვითარებად დარგს.

ტურიზმის განვითარებამ, როგორც ეროვნულ, ისე საერთაშორისო დონეზე, აუცილებელი გახადა განისაზღვროს ტურიზმის ცნება, მისი როლი მსოფლიო მეურნეობაში და ცალკეული ქვეყნების ეკონომიკაში, გამოვლინდეს ტურიზმის განვითარების ტენდენციები და კანონზომიერებები.

სხვადასხვა ქვეყნის მეცნიერები შეეცადნენ ტურიზმის ზუსტი დახასიათების დადგენას. ეკონომიკურ მეცნიერებაში გაჩნდა ისეთი ცნებები, როგორიცაა „ტურიზმი“, „ტურიზმის ინდუსტრია“, „საერთაშორისო ტურიზმი“, „მსოფლიო ტურიზმი“, „ტურისტული ბაზრის აგენტები“ და ა. შ. ამ კატეგორიათა განსაზღვრება ხშირად იდენტურია, რამეთუ განსხვავება მდგომარეობს ცალკეული ქვეყნების ტურიზმის სპეციფიკაში. სხვათაშორის, ტურისტული ტერმინების სწორი ინტერპრეტაცია მნიშვნელოვანია ტურიზმში მიმდინარე პროცესების გარკვევისთვის.

„ხშირად ტურიზმი ითვლებოდა ტრანსპორტით გადაზიდვების ან ვაჭრობის ნაწილად. მხოლოდ 1937 წელს, ეროვნული ლიგის საბჭომ, შემოიტანა „საერთაშორისო ტურიზმის“ ცნება, რომელიც გულისხმობდა პიროვნებას შემდეგი მახასიათებლებით: გადაადგილება, განსაზღვრული ადგილის მონახულება შრომისა და შრომითი გამოუშვავების გარეშე. ამის საფუძველზე ჩამოყალიბდა სპეციფიკური ტურისტული ტერმინოლოგია.

მიუხედავად იმისა, რომ ვ. ხუნციკერისა და კ. კრაპფის „ტურიზმის გენერალური თეორია“ იძლევა ტურიზმის სავსებით ამომწურავ განმარტებას: „ურთიერთობებისა და მოვლენების ერთობლიობა, რომელიც წარმოდგენილია, როგორც რეზულტატი ადამიანების გადაადგილებისა და საცხოვრებელი ადგილის გარეთ ყოფნის, მანამდე, სანამ იქ მიიღებენ მუდმივ საცხოვრებელს და შემოსავალს“, გრძელდება განმარტების ოპტიმალური ვარიანტის ძიება.

თანამედროვე ეკონომიკური მეცნიერება ტურიზმს განიხილავს, როგორც რთულ სოციალურ-ეკონომიკურ სისტემას. „ტურიზმი განიხილება, როგორც დიდი ეკონომიკური სისტემა ცალკეული ქვეყნების სახალხო მეურნეობის ელ-

ემენტებს შორის მრავალფეროვანი კავშირებით, ასევე, ეროვნული ეკონომიკის მსოფლიო ეკონომიკასთან კავშირით.” (ვ. ი. აზარი).

მრავალი ქვეყნის ტურიზმის კანონის მიხედვით - ტურიზმი წარმოადგენს სახელმწიფოს ეკონომიკური განვითარების პრიორიტეტულ დარგს. პრიორიტეტის წყაროს წარმოადგენს არა იმდენად დარგის პოტენციურად მაღალი შემოსავლიანობა რეგიონული და ფედერალური ბიუჯეტებისათვის, არამედ თავად საქმიანობის არსი, რომელიც მიმართულია დასვენების, როგორც მოქალაქეების კონსტიტუციური უფლების უზრუნველყოფისათვის, როგორც შვებულების შედეგიანად გამოყენების საშუალება; ერის გაჯანსაღებისა და ტურიზმის გზით მოსახლეობის დეპოპულაციის პროცესების შეწყვეტის საშუალება.

გაეროს მსოფლიო ტურიზმის ორგანიზაციის (UNWTO) გაკეთებული პროგნოზის მიხედვით (Tourism 2021 Vision), დადგენილია, XXI საუკუნის ტურიზმის სახეების ყველაზე პერსპექტიული მიმართულებები. მასზე დაყრდნობით შეგვიძლია ვთქვათ, რომ 2020 წლისათვის, ტურიზმის ერთ-ერთი პოპულარული სახე იქნება ეკოლოგიური ტურიზმი. მისი მიზანია ადამიანის სულიერი და ფიზიკური ძალების აღდგენა ბუნებრივ გარემოში დასვენების დროს და ბუნებასთან ურთიერთობის კულტურის ამალგება, ბუნებრივ გარემოში ქცევის ეთიკური ნორმების გამომუშავება. ასევე, პროგნოზებზე დაყრდნობით შეიძლება ითქვას, რომ პრიორიტეტული მიმართულებები გახდება: საკრუიზო, კულტურულ-შემეცნებითი, საკონგრესო, საკონფერენციო, საქმიანი და სათავგადასავლო ტურიზმი.

თანამედროვე ეტაპზე საერთაშორისო ტურიზმი უდიდეს როლს ასრულებს მსოფლიო ეკონომიკაში, მისი განვითარების დინამიკისა და ტენდენციების განსაზღვრაში.

XXI საუკუნის ტურიზმი არის თანამედროვე მსოფლიო ეკონომიკის ერთ-ერთი უმსხვილესი, მაღალშემოსავლიანი და ერთ-ერთი ყველაზე დინამიურად განვითარებადი დარგი.

XXI საუკუნის პირველ ათწლეულში, მაშინ, როდესაც 2008-2009 წწ. მწვავე ეკონომიკურმა კრიზისმა გადაუარა მსოფლიოს, 2014 წლის დასასრულისათვის მსოფლიო ტურისტული ორგანიზაციის 2015 წლის მაისის მონაცემებით დაფიქსირდა 1133 მილიონი საერთაშორისო ტურისტი, რაც 4,2%-ით მეტია 2013 წლის მაჩვენებლებზე. ტურიზმიდან შემოსული შემოსავლები შესაბამისად გაიზარდა 5,7%-ით (1197 მილიარდი აშშ დოლარი 2013 წელს. 1245 მილიარდი აშშ დოლარი 2014 წ.).

საერთაშორისო ტურისტთა 53%-ის (600,4 მილიონი) მოგზაურობის მიზანია დასვენება - შვებულება, 27%-ის მეგობრებისა და ახ-

ლობლების მონახულება, 4%-ის მიზანია ბიზნეს-ურთიერთობები, ხოლო 6%-ის მიზანი უცნობია. ნახევარზე მეტი ტურისტი მოგზაურობს საჰაერო ტრანსპორტით -54%, 39%- ავტოტრანსპორტით და 7%-რკინიგზით, ხოლო 5% ანიჭებს უპირატესობას წყლის ტრანსპორტს.

ევროპა - დღევანდელი მსოფლიო ტურიზმის ლიდერია. 2014 წლისათვის ევროპის ხვედრითი წილი შეადგენს 51,4%. რეგიონში ტურისტების შემოსვლა და აქედან მიღებული შემოსავლები 2014 წლის ბოლო კვარტალში გაიზარდა. ტურისტების შემოსვლა წლის განმავლობაში დაფიქსირდა - 581,8 მილიონი, ხოლო მათგან მიღებულმა შემოსავალმა შეადგინა - 508,9 მილიარდი აშშ დოლარი. (მაშინ, როცა 2013 წელს ევროპაში შემოვიდა 566 მილიონი ტურისტი და შემოსავალმა შეადგინა 491 მილიარდი აშშ დოლარი).

2014 წლის მონაცემებით, აზიანყნარი ოკეანის რეგიონში შეინიშნება საერთაშორისო ტურისტული ნაკადების გაზრდა (263,3 მილიონი ტურისტი 2014 წელს, 249,8 მილიონი - 2013წელს). 2014 წელს ზრდა დაფიქსირდა 5,4%-ით.

ამერიკა. (ჩრდილოეთი, სამხრეთი, ცენტრალური და კარიბის კუნძულები). 2014 წელს ამ რეგიონს 181 მილიონი ტურისტი სტუმრობდა, რაც მსოფლიო ბაზრის 16% -ს შეადგენს. შემოსავლებმა შესაბამისად შეადგინა 274 მილიარდი აშშ დოლარი. რეგიონში განსაკუთრებული პოპულარობით სარგებლობს აშშ, კარიბი და სამხრეთ ამერიკა.

აფრიკის ხვედრითი წილი მსოფლიო ტურისტულ ბიზნესში დაბალია. აფრიკის უზარმაზარ კონტინენტზე შიდა ტურიზმი საკმაოდ კარგად არის განვითარებული. 2014 წლის მონაცემებით საერთაშორისო ტურისტთა რიცხვმა 55,7 მილიონი შეადგინა. ბაზრის წილის წლიური ზრდა 4,9% შეადგენს. ეს აფრიკისთვის ძალზე კარგი მაჩვენებელია.

მიუხედავად ახლო აღმოსავლეთში წლების მანძილზე არსებული და ამჟამად მიმდინარე კონფლიქტებისა (სირია, ისრაელი, პალესტინა), 2013-2014 წლებში ტურისტების შემოსავლების მაჩვენებლები მაღალია. 2014 წელს შუა აღმოსავლეთის რეგიონში შემოსავლები გაიზარდა 49,3 მილიარდამდე. შემოსული იყო 51 მილიონი ტურისტი.

მსოფლიოს 10 ნამყვანი საერთაშორისო ტურისტების მიმღები ქვეყნების რეიტინგის შეფასება ხდება ორი მოცემულობის საფუძველზე: მსოფლიოს პირველი ათეული ქვეყანა შემოსული საერთაშორისო ტურისტების რაოდენობის მიხედვით და საერთაშორისო ტურიზმით მიღებული შემოსავლების მიხედვით.

საერთაშორისო ტურისტების უმრავლესობა თავის რეგიონში მოგზაურობს. ტურისტების დიდი ნაწილი კონცენტრირებულია ევროპის განვითარებულ ქვეყნებში, აგრეთვე ამერიკასა და აზია/წყნარი ოკეანის რეგიონში. მოსახლეობის შემოსავლების ზრდამ და ეკონომიკის სწრაფმა

განვითარებამ მსოფლიოს ისეთ რეგიონებში, როგორიცაა ჩრდილო-აღმოსავლეთი და სამხრეთ-აღმოსავლეთ აზია, აგრეთვე ცენტრალური და აღმოსავლეთი ევროპა, ახლო აღმოსავლეთი და სამხრეთ ამერიკა, გამოიწვია ტურისტთა დიდი ნაკადების გადაადგილება აღნიშნულ რეგიონებში.

აფრიკის რეგიონში ტურიზმის განვითარების ძირითადი შემაფერხებელი ფაქტორი აფრიკული ტურისტული პროდუქტის შედარებით მაღალი ფასებითა და ინფრასტრუქტურისა და მომსახურების შედარებით დაბალი დონით აიხსნება. გარდა ამისა, გარკვეულად უარყოფით როლს თამაშობს ზოგიერთი რეგიონის არასტაბილურობა. აფრიკის ტურიზმის ძირითადი წილი მის ჩრდილოეთ ნაწილზე მოდის.

საერთაშორისო ტურიზმზე განეული ხარჯების მიხედვით 2014 წლის მაჩვენებლებით ჩინეთმა გაასწრო აშშ-ს, საფრანგეთს, გერმანიას.

საერთაშორისო ტურისტული ორგანიზაცია ემყარება რა ბოლო წლების ტურიზმის განვითარების ტენდენციებს, გვთავაზობს ტურიზმის განვითარების შორს მიმავალ პერსპექტიულ გეგმას 2020 წლისათვის, საიდანაც ნათლად ჩანს, რომ აღმოსავლეთ აზია/წყნარი ოკეანის რეგიონი, სამხრეთ აზია, ახლო აღმოსავლეთი და აფრიკის რეგიონი უზრუნველყოფს საერთაშორისო ტურისტული ნაკადების ყოველწლიური ზრდის დინამიკას 5%-ით, მაშინ, როცა მსოფლიოში საშუალოდ ყოველწლიური მოსალოდნელი ზრდის ტემპი სავარაუდოდ 4,1% იქნება. ევროპისა და ამერიკის მაჩვენებლები უფრო მოკრძალებულად გამოიყურება. ევროპაში შემოსული საერთაშორისო ტურისტთა პროცენტული მაჩვენებელი უდიდესი იქნება მსოფლიოში, თუმცა საერთაშორისო ტურისტული ორგანიზაციის პროგნოზით, 1995 წლის (60%) მაჩვენებელი შემცირდება 46%-მდე. საერთაშორისო ტურისტების მიმღები რეგიონები 2020 წლისთვის ასე განაწილდება: ევროპა (717), აღმოსავლეთ აზია/წყნარი ოკეანის რეგიონი (397), ამერიკა (282). შემდეგ კი აფრიკა, ახლო აღმოსავლეთი და სამხრეთ აზია.

მსოფლიო ტურისტული ორგანიზაციის 2015 წლის საერთაშორისო ტურიზმის სტატისტიკური მონაცემები ტურისტული რეგიონების მიხედვით ნათლად გვიჩვენებს, თუ როგორი ტემპით ვითარდება აღნიშნული დარგი XXI საუკუნის პირველ ათწლეულში, რამდენად სერიოზულია ტურიზმის როლი მსოფლიოს თითოეული რეგიონისა და ქვეყნის შემოსავლების ფორმირებაში.

გამოყენებული ლიტერატურა:

1. Белоногов А. Г. Формирование системы обеспечения экономической безопасности сферы туризма. Санкт-Петербург. 2010. 25 стр.
2. Биржаков М. Б. Введение в туризм. Издательский дом „Герда“, 2000. – 192 стр.
3. Рлоткина Н. П. Классификационные признаки туристских рисков Дальневосточный федеральный университет, г. Владивосток. 2012.
4. Гергишан А.К. Формирование стратегии безопасности развития дестинации оздоровительного туризма. Санкт-петербург 2011г
5. <http://lawtheses.com/pravovoe-obespechenie-bezopasnosti-turizma-po-rossiyskomu-zakonodatelstvu>
6. http://www.wttc.org/eng/Tourism_Research/Tourism_Economic_Research/